

## „Spennen – un du kummst in’n Heven“

Autor: Hein Carstens

Dat is all över all ‘n ole Sook in de Welt: Dat gifft ganz böse Minschen overs ok - gode Minschen. Blots von de vertellt ‘n nich veel. In ‘n Diekskroog schimp een olen Wurster mol över de olen Wurster Buurn dat de jümmer so nerig wesen wörrn objüß se Geld harrn. Seker hett dat an Diek solke Lüüd geven. Over all över enen Kamm scheren, nee, nee, dat schall man ok nich. Ik weet von enen rieken Wurster Buurn, de 1773 an ‘n Wremer Deepveel Geld for den Pierutbo op ,‘n Disch leggt: 150 Doler. Dat wörr to veel Geld.

Over denkt mol an de „Allersche Stiftung“ in Alßen (Alsum), leve Lüüd. To ‘n olen Wurster Vogt schall he mol seggt hem, de Buur un Gever Gerhard Allers (1776 – 1851): „Dat soveel ole düchtige Arbeitslüüd ohn Geld op de Stroot sitten doot, wenn se olt un arm sünd, nee, nee, dat geiht nich. Ik mook ‘n Stiftung. Szüh un so is von disse Stiftung een grodet Huus bot worrn mit 60 Dönzen. Over an disse Stiftung is ok wat „Sünnerlicht“ an. Lüüd in Wremen un Imsum droven dor kennen Nutten (Nutzen) von hem wiel se Gerhard Allers jümmer „so utlacht hebbt, wenn he besopern ut Bremerleh komen is“, vertell mol een Wremer.

Un de utwannert sünd hebbt ok mennigmol veel Godes doon. De ole Wremer Jan Lübs, he leev in Savannah in USA, hett 1930, to, as de Helm waller opbot worr op den Karktoorn, 500 Dollar op ‘n Disch packt. Dat wörr to veel Geld.

Un dat hett dat ok geven. Een Wremer Buur, de ‘n düchtigen Sack vull Geld harrt hett, schull helpen dat de grode Holt-Deek in de Kark fein utmolt warrn kunn. Een Karkenvörsteher schall seggt hem: „Siade Peckes nu geev dien riekert Hart mol ‘n düchtigen Stoot. West, wiet wöllt de Karkendeek utmolen loten. Siade sä halv jo un halv nee. Dor hebbt se em in ‘n Wremer Kroog inloden. Un as he dennso richtig besopen wörr, dor schall he seggt hem: „Tschä, dat helpt dennso allens nix, dennso will ik man betohlen.“

Un dat mutt soveel Geld wesen hem, dat he dorvör in de Kark ‘n „Ehrenbalken“ kregen hett.

Dor kann man vondoog noch lesen: „Aus frywilligem Hertzen zur Ehre Gottes hat Eide Siade Peckes diesen Kirchen Boden uns zieren lasen, 1737“.

De Balken, so vertellt man, is ins loter von enen ganz giezigen Buurn betohlt worrn, sachts mit dat Verspreken: „Du kummst in ,‘n Heven, wenn du uns dat spennen deist“. Dat schall he forts mookt hem. Un dat veele, veele Johren no Martin Luther!

Ik grööt jo düchtig unbliev jümmer joe ole Fründ

*Käpt'n Cordts*

Erschienen in der Nordsee-Zeitung am 15. November 2017